



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

8 Irregularitatem inducit quilibet defectus corporis, quo sine notabili
horrore quis celebrare non potest.

urn:nbn:de:hbz:466:1-10316

IRREGVLARITAS, ut aliqui tenent, est censura ecclesiastica, quod tamen non est verum; quia censurae tres tantum sunt, ut in *cap. querenti, de verb. signif.* de quibus in precedenti capitulo, cui merito continuando, nunc de irregularitate est tractandum.

1 Irregularitas ideo, est canonicum impedimentum ex facto, vel defectu proveniens, quo quis ad ecclesiasticos ordines promoveri, & jam promotus in iisdem ministrare prohibetur. *Specul. de dispens. si. juxta in princip. Couar. in 3. par. velle. sub tit. de homicid. in princ. Navar. in manual. cap. 27. num. 191. & Greg. Sayr. Thesau. cal. conf. lib. 6. cap. 1. num. 16.*

2 Dividitur irregularitas in quinque species, omissis multis modis doctorum dividendi, quae oriuntur ex quinque defectuum generibus, scilicet, Sacramenti, Corporis, Animae, lenitatis perfectae, & delicti; ut per Navar. *eod. manual. cap. 27. num. 192.*

3 Et non incurritur, nisi in solis casibus in iure expressis, ut *cap. is, qui, de sentent. excommun. in 6. & Grass. decis. aur. par. 1. lib. 4. cap. 27. num. 3.*

4 Primò irregularis ex defectu Sacramenti sunt irregulares, & ordinari non possunt.

5 Bigamia enim est impedimentum ordinum ob quatuor, de quibus scriptum supra, *cap. 4. num. 40.* Nam bis conjugatus non potest aptè significare unionem Iesu Christi cum Ecclesia, unica sua sponsa, *cap. debitum, & ibi gloss. in ver. sacramentum de bigam. id quod excellentia sacramenti ordinis meretur, cap. una, 16. distinct. & est signum incontinentiae, cap.*

proposuisti, 82. distinct. quodque ad persuadendum castitatem auctoritatem adimit, *de cap. una & Navar. in manual. cap. 37. num. 195. circ. princip.* Et quotuplex sit bigamia, quive ab ea absolvi possit, supra alio loco scripsi.

7 Secundò, defectus corporis pluribus modis efficit quem irregularem, ut abscissio, imbecillitas, vel deformitas cujuslibet membri principalis, etiam occulti: velut si essent pudenda abscissa; sive ipse sua sponte id fecerit, sive alius sua culpa, quia iussit, aut rogavit, aut quia dando operam rei illicitae, id casu contigit; vel in poenam alicujus delicti, aut à suis inimicis fuerit abscissum, *cap. si quis absciderit, cum seqq. 55. distinct. Navar. eod. cap. 57. num. 198. & Grass. cap. 27. par. 1. lib. 4. num. 39.* At si absque sua culpa quid tale evenerit, dummodo non sit factus inhabilis, nec deformis deformitate, quae scandalum pariat in populo, non inducit irregularitatem, *cap. ex parte 1. & 2. cap. signifi.avit, de corp. vitiat, cap. lator, ead. dist. 55.*

8 Quilibet etiam defectus, inhabilitas cujuslibet membri, quae inhabilem facit ad celebrandum, saltem sine notabili horrore, deformitate, aut scandalo, inducit irregularitatem; sive incurrat culpa prae priora, sive sine culpa, *eod. cap. penul. & c. ultim. de corp. vitiat, & Navar. eod. cap. 27. nu. 200. vers. sexto dice.* Et quod quilibet deformitas notabilis sufficiat, ne quis debeat promoveri, tenet Abb. *in cap. 2. num. 2. de cler. agrot. vel debil.* Omnesque monstruosi; aut, qui plura capita, plures manus, & plures pedes solito habent, vel, qui excedunt debitum naturae, ut gigantes, vel pygmaei,

mei, minores, à demone obsessi, lymphatici, furiosi, hermaphroditi, servi, infames, & abstemij, sunt irregulares, ut per Navar. eod. cap. 27. num. 202. 203. & 204. & Greg. Sayr. Thesaur. cas. consc. par. 1. lib. 6. cap. 8. num. 1. & 3.

9 Sed modica deformitas, † necessitate exigente, non facit quem irregularem, nec impedit promovendum, d. cap. fin, & ibi gloss. in verb. deformitatem.

10 Quis autem defectus, † aut deformitas talis sit, ut inducet irregularitatem arbitrium Episcopi judicabit. In hoc. in cap. 1. de corp. vitia. Navar. eod. cap. 27. num. 200. vers. quis autem, & Greg. Sayr. cap. 1. nu. 6. infra. eod. lib.

11 Natalium † defectus inducit irregularitatem quocunque modo proveniens, etiam si sit occultus, quales sunt illi, quos conjugati ex adulterijs habuerunt adeo, ut sciant, vel credant, per dictum matris se tales esse, qui legitimationem secreto modo petere debent, quam de facili obtinebunt.

12 Quamvis matris † adultera, si nolint credere, non teneantur. Navar. eod. cap. 27. num. 201. Et omnes, qui extra legitimum matrimonium procreantur, sunt illegitimi, & tam ad ordines, quam ad beneficia irregulares, cap. cum in cunctis, 5 cap. innotuit, de elect. cap. 1. & cap. fin, de fil. presb. Et est ratio, quia tales, plusquam alij, ut plurimum, † solent esse imitatores paternæ incontinentiæ, & male morigerati, eo, quod à parentibus non ita sollicitè, sicut legitime nati, instruuntur, cap. si gens, 56. dist. & Gregor. Sayr. Thesaur. cas. consc. par. 1. lib. 6. cap. 10.

13 Legitimati † autem per subsequens

matrimonium, eo ipso, absque ulla dispensatione possunt ad omnes ordines promoveri; & beneficia ecclesiastica, ac dignitates quascunque etiam obtinere, gloss. in cap. tanta, in verb. legitimum, & in cap. ex tenore, in verb. legitimum, & ibi Abb. nu. 8. qui fil. fin. leg. excepta tamen Cardinalatus dignitate, ad quam per subsequens matrimonium nullus legitimatur, ut in constit. Sixti Quinti super Cardinalium creandorum numero, ordine, aetate, tempore, qualitate, & officio, de anno 1586. edita, in ultim. par. Bull. ejusdem Sixti capit. 50. & post Henric. lib. 1. de sacramen. matrim. capit. 20. §. 1. tenet Gregor. Sayr. eodem cap. 10. num. 13. & 14. & potest tamen Papa dispensare.

14 Anima † defectus, quo tertia species irregularitatis procedit, consistit in eo, qui non est baptizatus, qui est incapax ordinis, cap. 1. & cap. veniens, de presb. non baptiz. quamvis sit catechumenus. Quia character ordinis præsupponit characterem baptismi: neque hæreticus, aut factor hæreticorum ordinatur, neque sarracenus, aut judæus, aut paganus, aut neophitus, sive recenter conversus. Navar. eod. cap. 27. num. 205. vers. tertio dico, & Greg. Sayr. cap. 19. nu. 1. lib. 6.

Illitteratus, † penitusque ignarus litterarum, est irregularis, & inhabilis, etiam ad primam tonsuram, & quatuor minores ordines, concil. Trident. in cap. 4. & cap. 11. de reformat. sess. 23. & faciunt tradita per Navar. in cap. si quando, excep. 13. num. 2. & 3. de rescript.

Irregularitas, † etiam incurritur ex defectu perfectæ leuitatis, quæ oritur ex occasione, vel mutilatione membri hominis in casu licito: ita ut quicumq; justè, &